

**JIZZAX TUMANLARARO
IQTISODIY SUDI**

130111 Jizzax sh., Katta
O'zbek trakti ko'chasi, 115-
uy.



**JIZZAKH INTER-DISTRICT
ECONOMIC COURT**

130111, Jizzakh, Katta Uzbek
trakti,
115.

Tel: 0 (372) 223-28-52 Fax: 0 (372) 223-28-07
Эл.почта: i.jizzax.t@sud.uz

Веб-сайт: www.sud.uz

А Ж Р И М

(даъвони кўрмасдан қолдириш ҳақида)

2021 йил 21 май

Жиззах шаҳри

4-1301-

2103/1374-сонли иш

Жиззах туманлараро иқтисодий судининг судьяси У.С.Базаров раислигида, судья ёрдамчиси В.Ибрагимовнинг котиблигида, Жиззах шаҳар Адлия бўлимининг даъвогар “Анварбой ҳиммати” фермер хўжалиги манфаатида, жавобгар “Жиззахдонмахсулотлари” АЖдан 3 219 840 сўм пеня ундириш тўғрисидаги даъво аризаси ва унга илова қилинган ҳужжатларни ўз биносида, очиқ суд мажлисида кўриб чиқиб,

А Н И Қ Л А Д И :

Жиззах шаҳар Адлия бўлими “Анварбой ҳиммати” фермер хўжалиги (бундан буён матнда даъвогар деб юритилади) манфаатида, судга даъво ариза билан мурожаат қилиб, “Жиззахдонмахсулотлари” АЖдан (бундан буён матнда жавобгар деб юритилади) 3 219 840 сўм пеня ундиришни сўраган.

Суд муҳокамасининг вақти ва жойи тўғрисида ажрим орқали тегишли тартибда хабардор қилинган даъвогар ва жавобгар вакиллари суд муҳокамасида иштирок этмади ҳамда ўз вакили иштирокини таъминламади.

Суд, Ўзбекистон Республикаси иқтисодий процессуал кодексининг (бундан буён матнда ИПК деб юритилади) 127-129, 170-моддаларини қўллаб, ишни жавобгар вакилининг иштирокисиз кўриб чиқишни лозим топди.

Суд иш ҳужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Ўзбекистон Республикаси Итисодий процессуал кодекси (бундан буён матнда ИПК деб юритилади) 107-моддаси, биринчи қисми 6-бандига кўра, даъвогар биринчи суд мажлисига келмаган ва ишни ўзининг иштирокисиз кўрилиши тўғрисида арз қилмаган бўлса, суд даъво аризасини кўрмасдан қолдиради.



Иш ҳужжатларидан кўринишича, даъвогарнинг даъво аризасини иш юритишга қабул қилиш тўғрисидаги суднинг 2021 йил 13 апрелдаги ажрими, соддалаштирилган иш юритиш тартибидаги ишни даъво ишини юритишнинг умумий қоидалир бўйича суд муҳокамасида кўришга тайёрлаш тўғрисидаги 2021 йил 29 апрелдаги ажрими ва ишни кўришни бошқа кунга кўчириш тўғрисидаги 2021 йил 12 майдаги ажримлари тарафларга топширилганлиги маълум қилинадиган буюртма хат билан юборилган ва алоқа хизматининг хабарномасига кўра тарафлар вакилларига топширилган.

Ўзбекистон Республикасининг “Давлат божи тўғрисида”ги қонунининг 5-моддаси 2-бандида, даъво кўрмасдан қолдирилганда давлат божи ундирилиши белгиланган. Шу боис суд давлат божи харажатларини даъвогардан ундиришни лозим деб ҳисоблайди.

Юқоридагилардан келиб чиқиб ва Ўзбекистон Республикаси Иқтисодий процессуал кодексининг 107, 195-197-моддаларини қўллаб, суд

А Ж Р И М Қ И Л Д И :

Жиззах шаҳар Адлия бўлимининг даъво аризаси кўрмасдан қолдирилсин.

Даъвогар “Анварбой ҳиммати” фермер хўжалиги томонидан олдиндан тўланган 19 600 сўм почта харажати ўз зиммасида қолдирилсин.

Даъвогар “Анварбой ҳиммати” фермер хўжалигидан республика бюджетига 245 000 сўм давлат божи ундирилсин.

Ажрим устидан шикоят бериш (протест келтириш) мумкин.

Раислик қилувчи, судья
У.С.Базаров

